



Broj predmeta: 05-000141/23
Broj akta: 02-1348NH-0001/23
Datum, 13.2.2023. godine
Mjesto, Brčko

Na osnovu člana 22. Zakona o Vladi Brčko distrikta BiH („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i člana 20. stav (1) tačka a) Zakona o javnoj upravi Brčko distrikta Bosne i Hercegovine („Službeni glasnik Brčko distrikta BiH“, broj 25/20 – prečišćeni tekst), a na osnovu obaveza koje proizilaze iz projekta „Jačanje uloge mjesnih zajednica u BiH“, kao zajedničkog projekta Vlade Švicarske i Vlade Švedske koji u BiH implementira UNDP, a čiji je učesnik Brčko distrikt BiH, šef Odjeljenja za stručne i administrativne poslove d o n o s i

O D L U K U O USVAJANJU VIZIJE RAZVOJA MJESNIH ZAJEDNICA U BRČKO DISTRIKTU BOSNE I HERCEGOVINE

Član 1. (Predmet)

Odlukom o usvajanju vizije razvoja mjesnih zajednica u Brčko distriktu Bosne i Hercegovine (u daljnjem tekstu: Odluka) propisuju se načela vizije razvoja mjesnih zajednica u Brčko distriktu Bosne i Hercegovine (u daljnjem tekstu: vizija) i četiri modela mjesnih zajednica: mjesna zajednica kao prostor za zagovaranje i pristup javnoj upravi i institucijama Brčko distrikta Bosne i Hercegovine, mjesna zajednica kao mjesto za pružanje usluga stanovništvu, mjesna zajednica kao prostor za učešće građana u odlučivanju, mjesna zajednica kao društveni centar, te druga pitanja značajna za razvoj mjesnih zajednica u Brčko distriktu Bosne i Hercegovine.

Član 2. (Načela vizije)

Vizija se zasniva na sljedećim načelima:

- a) Načelo odgovornosti podrazumijeva da mjesna zajednica mora biti odgovorna prema svojim stanovnicima, ali i prema lokalnim vlastima. Legitimno izabrani predstavnici mjesnih zajednica trebaju odgovorno vršiti funkcije koje su im dodijeljene;
- b) Načelo inkluzivnosti podrazumijeva uključenost svih stanovnika u rad i aktivnosti mjesnih zajednica, naročito žena, mladih i marginalizovanih kategorija stanovništva;
- c) Načelo koordinacije podrazumijeva unapređenje koordinacije, komunikacije i međusobne saradnje između mjesnih zajednica i organa lokalne vlasti kao i između mjesnih zajednica i građana i ostalih fizičkih i pravnih lica značajnih za razvoj mjesne zajednice;
- d) Načelo transparentnosti podrazumijeva otvorenost za javnost i dostupnost informacija u vezi s radom mjesnih zajednica.

Član 3. (Modeli vizije)

Modeli vizije su:

- a) mjesna zajednica kao prostor za zagovaranje i pristup javnoj upravi i institucijama Brčko distrikta Bosne i Hercegovine;
- b) mjesna zajednica kao mjesto za pružanje usluga stanovništvu;

- c) mjesna zajednica kao prostor za učešće stanovnika u odlučivanju;
- d) mjesna zajednica kao društveni centar.

Član 4.

(Mjesna zajednica kao prostor za zagovaranje i pristup javnoj upravi i institucijama Brčko distrikta Bosne i Hercegovine)

Vizija se, kroz model Mjesna zajednica kao prostor za zagovaranje i pristup javnoj upravi i institucijama Brčko distrikta Bosne i Hercegovine, provodi na sljedeće načine:

- a) sistemskim i institucionalizovanim provođenjem efikasne komunikacije između nadležnih organa Brčko distrikta BiH i mjesnih zajednica;
- b) redovnim uključivanjem mjesnih zajednica u proces izrade i usvajanja programa kapitalnih investicija, budžeta, strateških planova razvoja, urbanističko-planske dokumentacije, kao i drugih dokumenata od značaja i interesa za stanovnike u mjesnim zajednicama;
- c) uključivanjem stanovnika i definisanjem problema čije je rješavanje za njih od velike važnosti;
- d) određivanjem projektnih prioriteta u skladu s potrebama mjesnih zajednica;
- e) podizanjem svijesti o potrebi većeg učešća žena i mladih u strukturama organa mjesnih zajednica, kao i aktivnostima koje mjesna zajednica vodi u svrhu osiguravanja kvalitetnijeg života za sve stanovnike na području mjesne zajednice.

Član 5.

(Mjesna zajednica kao mjesto za pružanje usluga stanovništvu)

Vizija se, kroz model Mjesna zajednica kao mjesto za pružanje usluga stanovništvu, provodi na sljedeće načine:

- a) određivanjem svih usluga koje organi mjesne zajednice mogu da pruže stanovništvu, s jasno definisanim uslovima pod kojim posebne vrste usluga mogu biti pružene, kao i načine dostavljanja pritužbi u ime stanovnika na komunalne i druge usluge;
- b) pružanjem redovnih i pravovremenih informacija u vezi s uslugama i ostalim aktivnostima mjesnih zajednica putem svih raspoloživih oblika komunikacije;
- c) unapređenjem saradnje između samih mjesnih zajednica kroz zajedničke sastanke na kojima bi se razmijenile dobre prakse;
- d) unapređenjem i saradnjom s udruženjima i organizacijama na teritoriji Brčko distrikta Bosne i Hercegovine s ciljem zajedničkog djelovanja i implementiranja projekata.

Član 6.

(Mjesna zajednica kao prostor za učešće stanovnika u odlučivanju)

Vizija se, kroz model Mjesna zajednica kao prostor za učešće građana u odlučivanju, provodi na sljedeće načine:

- a) upoznavanjem stanovnika s postojećim načinima za učešće stanovnika u donošenju odluka;
- b) zastupanjem interesa stanovnika mjesne zajednice kroz osnaživanje i promociju građanskog aktivizma;
- c) uspostavljanjem učinkovitije komunikacije i većeg stepena informisanosti stanovnika o pitanjima važnim za njihovo učešće u donošenju odluka;
- d) prepoznavanje potreba stanovnika, naročito marginalizovanih grupa.

Član 7.

(Mjesna zajednica kao društveni centar)

Vizija se, kroz model Mjesna zajednica kao društveni centar, provodi na sljedeće načine:

- a) organizovanjem i promocijom sportskih, kulturnih i rekreativnih sadržaja koji se odvijaju u mjesnoj zajednici kao mjestu za okupljanje svih stanovnika;

- b) saradnjom mjesne zajednica s udruženjima građana kako bi poboljšali sadržaje, usluge i aktivnosti u mjesnim zajednicama i na taj način animirali stanovnici za aktivnije učešće u radu mjesnih zajednica;
- c) okupljanjem mladih kroz udruženja građana i podizanje njihovih kapaciteta za pisanje i implementaciju projekata i uključivanje u rad mjesnih zajednica;
- d) uključivanjem žena, djece, mladih i marginalizovanih grupa kroz aktivnosti iz oblasti kulture.

Član 8.

(Realizacija i primjena Odluke)


Za realizaciju ove odluke zadužuje se Odjeljenje za stručne i administrativne poslove Vlade Brčko distrikta Bosne i Hercegovine, a primjenjuju je sve mjesne zajednice na području Brčko distrikta Bosne i Hercegovine.

Član 9.

(Stupanje na snagu)

Ova odluka stupa na snagu danom donošenja.

ŠEF ODJELJENJA
Mr. sc. Nedin Hamzabegović



DOSTAVITI:

1. Odjeljenju za stručne i administrativne poslove,
2. Pododjeljenju za podršku MZ, NVO i UG,
3. Mjesnim zajednicama,
4. Evidenciji,
5. Arhivi.